

80

延吉廳領土問題之解決



自序

自日俄龍跳虎躍之戰事畢後。俄勢力範圍突縮。日勢力範圍突伸。吾驅車出關。見東西遼水間。熙熙攘攘者。多日本人士也。而俄人不見。吾策馬白山東北。見延敦兩屬。居焉遊焉者。多日本兵卒也。而俄人不見。吾朝有所聞曰。日本偵探家。遍布我奉黑吉省間。無城鎮鄉村而靡不至也。吾夕有所聞曰。日本實業家。游歷我奉黑吉省。無森林礪產漁業製造而靡不留心也。條約所載。祇通商場。許外人居留。而日人不顧。遍東三省。三十六萬英方哩間。隨處聞日人笑語歡聲也。主權所關。凡司法行政。絲毫不容他人干預。而日人不顧。一聞中日中韓交涉。日領事即暴厲恣肆。任意處決也。返觀彼國內輿論。曰。明還滿洲而實不還。曰。代清行使統治權。曰。掌握滿洲交通機關。曰。以蒙古與俄滿洲與我。諸如此類云云。難屈指數。然後恍然悟日人之戰後。增兵增艦者。非對歐。非對美。蓋將對我而實行非常劫掠也。東三省是其集矢的也。吾安得不懼。吾安得不恨。吾安得不吮筆伸紙。載之文字。以告我四百兆同胞。占我琉球不問。占我台灣不問。占我三韓不問。在我則一意退讓。無勾踐臥薪嘗膽。

之心。在彼則步步緊逼。有秦王遠交近攻之概。今者俄被戰敗。心懾於彼。村田砲下。瀨藥之猛烈。甘捲鷲旗北退。以保舊有之勢力。日人乃乘此時機。鞭策國人。下手以攫我一切利權。試由旅大北行。而遼陽。而奉天。而鐵嶺。而長春。南北千餘里間。雖有我民之商場。試問執其牛耳者誰。雖有我兵之營壘。試問沿鐵道荷槍而立。凜然如不可犯。號稱滿洲獨立守備隊者誰。遇事挑發私幸。一有機會即可命彼海國男兒。太和民族收我地於刀光劍影下。今日雖以關東都督暗配我之行政官。明日即可以關東都督明執我之統治權矣。陸有瀛車。海有輪船。交通便利。運輸迅速。在彼族之眼觀之。固早已不認滿洲爲我國地也。吾安得不懼。吾安得不恨。吾安得不吮筆伸紙。載之文字。以告我四百兆同胞。

英人爲新法鐵路。被阻於日。嘖嘖有詞矣。美人爲滿洲商務。壟斷於日。叫號不平矣。切冀英日解體之德。私望中日不睦之法。怒視割據南滿鐵道之俄。其政府其人民。無不注隻眼於滿洲之野。日幸有事。日若遣將出師。明取遼東爲已有。英美德法俄五國必聯合海陸與日本抗。將大好河山可一時變爲腥風血雨之場。而鹿究不知。

終死誰手。日人知之。故暫戢其攫取衆目睽睽之地之心。暗於衆目不及地。與我角。而延吉廳領土問題。乃久懸於彼我兩政府間不決。夫領土之屬我屬韓。延吉邊務調查一書。言之綦詳。無俟再贅。惟是日人之不顧公理。悍然出此舉動者。無非被驅於擴張領土之野心而成。不聞伊籐博文。有爲韓將新添一道之言乎。由是從容展布。迭出其時。剛時柔得。尺進尺之狡計。與我邊務當事者鬪。或明進警察憲兵。或暗輸軍火器械。或四設憲兵分遣所。以作下級行政機關。或紛派百家十家長。以作後日自治模範。我之司法權。到處被侵。行政權。到處被奪。倘縱馬一巡。延吉縱橫數百里。領土中。準無百里不見東海旭日旗也。蓋彼實業家。醉心於我森林礦產農業家。眈眈於我廣大膏原政治家。冀得此而消彼數百萬貧民。軍事家。則衆口一辭。謂據此。東可抵俄人之隙。北可搆吉林之背。西可出長白山麓。制奉天。死命故草野唱之。朝廷認之。上下一心。虛構成一間島問題。以誣我祖宗發祥之地。爲韓地也。嗚呼。風雲慘澹。來日大難。如斯河山。轉瞬將爲人。有吾安得不懼。吾安得不恨。吾安得不吮筆伸紙。載之文字。以告我四百兆同胞。

吾之。作。延。吉。廳。領。土。問。題。之。解。決。者。豈。得。已。哉。西。望。西。藏。羈。縻。計。竭。北。望。蒙。古。累。卵。勢。危。新。疆。則。處。處。有。隙。可。入。慎。粵。則。時。時。肇。釁。無。已。羣。雄。環。視。大。欲。釀。成。瓜。分。延。吉。廳。領。土。不。保。則。瓜。分。慘。禍。立。至。矣。此。吾。欲。喚。醒。同。胞。建。議。政。府。載。筆。而。作。此。書。之。意。也。若。夫。挾。日。人。之。隱。情。述。列。國。之。牽。制。舉。不。過。爲。解。決。此。土。參。觀。之。助。邦。人。諸。友。大。夫。君。子。其。勿。以。余。言。爲。無。病。而。呻。也。邊。陲。幸。甚。舉。國。幸。甚。

宣統元年正月湖北匡熙民序於佈爾哈通河畔邊署辦事處

例言

一。中日甲午之役。日本著書以攻我國者最夥。至砲擊高陞一案。中村高橋等。法學博士。俱有單行本出版問世。日俄甲辰之役。日本之主張併合我國者。有戶水博士之「東亞之霸權」。主張暫領北方者。有賀博士之「滿洲處分案」。其他報紙。與二氏同意見者。述不勝述。且無不帶污讎謾罵之辭。吾人以非交鄰之道惡之。此書大旨。在以正堂堂之政見。保我主權。不取日人污讎謾罵之手段。閱者諒諸。

一。法律文字。非同尋常文章。可以鋪張辭藻。快閱者之目。下一字。須詳思慎審而後敢定。故任舉何種法律書。無不枯寂乾燥。令人寡歡。譯法律書者亦然。如顧全辭藻。而以意譯也。將文章可觀。而法理必多不圓。顧全法理而從事直譯也。將法理不誤。而文章必多滯目。兩者難全。殆譯者無可如何之事。本書領土主權一篇。純取直譯。審以此博讀者之訕笑。與鄙棄。而於法理文字。始終不敢更改。蓋過於重視法理之心。所積而成也。大雅君子。當不惟文章之是議。

一書中所叙歐美各國對待日本之事。均由日本書報採擷而來。罔敢以意造也。惟書報頗雜。不縷列其名。

一調查延吉邊務報告書之宗旨。在廣收延吉爲我領土之材料。報告政府。此書宗旨。在縱論解決延吉領土問題之方法。補助政府。二書宗旨不同。故取材亦異。就內容言之。報告書爲事實的。此書爲理論的。就性質言之。報告書爲官纂的。此書爲私修的。就議論言之。報告書爲平和的。此書爲激烈的。譬之兵事。報告書爲兵家之大本營。此書則其游擊師也。此二書之大略也。

一讀此書。不先讀調查延吉邊務報告書。則有不知其體之弊。而或難於自信。讀調查延吉邊務報告書後。不繼續讀此書。則有不知其用之弊。而或難於堅執。二者如鳥之兩翼。車之兩輪。缺一不可。惟此書價值遠遜報告書。是則著者才短之過也。愛國君子。並取而參觀之也可。

一圈點。非古也。至本朝姚姬傳、曾滌生、吳肇甫輩。昌言圈點決不可少。此例乃寬。今依諸人之說。麗以圈點。並取東邦箸書之倒。加以弧括。以醒眉目。

一箸者隻身游邊。一書未携。書中事實。半憑記憶。間有必需參攷者。百計搜索。始獲得零星斷爛之本。而於日本書尤費周折。加以時日促迫。成書在急。不明不實之處。自知難免。海內通儒。以之當薪。或覆瓿焉可耳。

延吉廳領土問題之解決

第一章 延吉廳之價值

第一節 軍事上價值

第二節 實業上價值

第三節 面積上價值

第二章 領土問題宜速解決之理由

第一節 當引新疆前例

第二節 當引西藏前例

第三節 當引歐美勢力平均前例

第四節 從法理上觀宜速解決

第五節 從事實上觀宜速解決

第三章 日本不能與我開釁之實情

第一節 國力薄弱

第一款 財政窘迫

第二款 國土過小出產不多

第三款 國民負擔過重

第二節 列國牽制

第一款 英美不應彼軍事債

第二款 俄法美英必踵破協商條約

第三節 理勢兩絀

第一款 近於蹈襲俄國覆轍

第二款 款項無着

第三款 以利害推測歐美必助我攻日

第四款 對我商務停歇

第五款 中國亡日本不能獨存

第四章 解決之方法

第一節 對內手段

第一款 喚起輿論爲政府後援

第二款 竭力移民正喧賓奪主之失

第三款 暫禁日貨俟問題之落着

第二節 對外手段

第一款 引起歐美輿論爲本國外援

第二款 運動中美同盟

第三款 利用彼外交不協之時機

附

朝鮮王咨北洋大臣公文

光緒十三年中韓勘界使者問答記

延吉廳領土問題之解決

湖北 匡熙民著

第一章 延吉廳之價值

第一節 軍事上價值

延吉廳之在吉林。曩者毫無軍事上價值。自日俄戰後。形勢一變。中俄日三國。始趨重此地。謀戰守設施。攷延地正東二百八十里。至薩字界碑。即俄地正西六百餘里。至長白山。即奉省之臨江通化地。正南則圖們一江。界劃中韓。而由延至韓會甯府。遠不過百九十里地。正北則敦化甯古塔地。緊接於茲。一有戰事。烽火直達。據軍事家眼觀察之。延吉廳者。蓋一今之梁陽成皋也。試假作俄日兩國有事於韓。以言明其故。俄欲攻日也。必首謀占琿春。琿春得則一面修浚城池。屯重旅守。此與海參崴相聯絡。一面更遣輕騎西嚮。占我涼水。泉子。更西占我延吉廳。取以正面壓韓。且絕日徵發糧食之地。北韓貧苦。糧米悉由延吉廳韓墾民接濟。日與俄戰。勢必徵糧食於此。原琿春者。東北走海參崴。西南走韓慶源府。確爲兵事上必由路。琿春不守。日必使正兵東攻海參崴。咬俄人。

之眼而更使奇兵北襲。竊古塔。斷俄人之鐵道。不幸竊古塔被占於日。則東清鐵道登時斷絕。而海參崴危矣。俄亡旅順。先亡金州。其前鑒也。故曰。俄欲攻日。必首謀占琿春者。以此。至涼水泉子。南對韓國穩城。不過一江之隔。計程約五六里。俄不得涼水泉子。日更可動作自如。接濟北襲。甯古塔之兵。且可南與慶源等地軍隊聯爲一氣。側擊琿春。而琿春危。而北向甯古塔之兵。更可得勢。俄於此守且不足。進於何有。故曰。俄得琿春後。必更以輕騎西嚮。占我涼水泉子者。以此。若夫延吉廳關係更大。俄占延後。哥薩克馬隊。即可而圖們江而陣。一有機可乘。便能以摩天巨翼蔽而南下。與日本武士戰於北韓之野。戰而勝。窮兵力。遂之不勝。則退守圖們江。密爲布置。防日本馬足奔逸於白山海。蘭河間。東北出。截彼鐵道。且琿春兵進。涼水泉子之兵。可作爲右衛翼之前進。涼水泉子兵進。琿春延吉廳之兵。可作爲左衛翼之前進。日本格於彼三路之師。進既不能。越圖們江一步。退復無術。善其後。將北韓一帶。必有懷反側。以作俄人內應者。而日人苦矣。故曰。俄掠涼水泉子後。必更西占我延吉廳者。以此。反之日欲攻俄。亦必先攫琿春爲囊中物。然後縱兵收涼水泉子。延吉廳。

等處。蓋緩急先後之勢然也。再論我之對待俄日何如。俄新挫於東。暫欲養精。以待後日之大舉。目下似不至因土地問題。與我構釁。惟日則欲心耽耽。若有不得延境。寢饋不甘者。陰謀狡計。至可懾也。倘使我不據理力爭。實延吉爲己土。將懈心。一生日即乘隙而入。延吉土地。必非我有。不惟延吉。即凡有韓人足跡處。必漸爲日據。由是東北則綏芬。甯古塔。西北則敦化。濛江。處處被逼於日。而吉林半壁河山。永無粗安時矣。姑退一步言。日不占我綏芬。甯古塔。不占我敦化。濛江。僅占我一延吉。止而以日人之奸詐。無極觀之。何時何事。不可借以與我啟釁。釁一啓。則三道出兵。正北逾哈爾巴嶺。攻吉林之背。東北趨甯古塔境。斷吉林右輔。正西逾長白山。麓掠奉省。臨江通化。而吉林左右受敵。即欲專顧哈爾巴嶺一路。不可得矣。條約一結。綏芬濛江四處。仍將被割於日。吉林全局。豈得不破。再退一步言之。日釁起時。不攻東北。不趨西北。僅以一旅團。駐哈爾巴嶺。我吉林亦如芒在背。不可終日矣。夫昔隔三韓。日尙能攻入我境。豈既據我境後之日。反不能由門戶而深入堂奧。制我死命。總之。守在圖們江。吉林雖危。猶可補救。讓延吉於日。而守在內地。吉林雖存。亦可視之若亡。

矣。蓋延吉者以地勢言之確爲今之滎陽成皋也。我不能保延吉。即不能保吉林。不能保吉林。即西而奉省北而龍江亦同受影響矣。此日本軍事家所以腐心欲取此地爲他年奄有三省之張本也。我國民烏能忽

須參觀延吉邊務調查書中第七章地理上之原因並拙著吉林與移墾

之關係
第五篇

第二節 實業上價值

人每言美以富金。飛聲世界。墨以富銀。馳譽全球。英以富煤。德以富鐵。俄以富森林。鳴霸歐洲。而農畜則美爲巨擘。漁業則英稱首出。故近今論國力之富足者。莫不屈指於上列數國。而尤以英美爲最。返觀亞洲。則我中國實爲大地莫敵之礦產國。森林國。漁獵農畜國也。今且不論蒙古西藏。不論青海新疆。不論內地十八省。祇略觀我奉吉黑。已足見大地各國無一可與我匹敵者。美哉中國。洵天縱之將霸。而特授以此無盡資產者也。約而就吉林一省言之。更約而論吉林省中之延吉一隅。長白臺立蘊精蓄奇。五金繁富。樹木蔚森。加以本朝龍興斯土。封閉日多。故自古所有之精英。從未暴露於人世。迨日俄覬覦此地。實業價值乃譁然人口矣。今者旁搜日俄

之游記。近探官府之成書。作礦產、森林、漁獵、農畜等表說於下。以紹世之留心君子。

第一條 鑛產

(甲) 金鑛

察實業。非調查不能精確。著者以自身有職務。不能分身調查。即調查恐亦難精確。故僅錄調查延吉邊務報告書中實業數則以塞責。然亦不得已也。

夫亞細亞東北。非世界所稱為金底者乎。益長白山脈蟠踞之地。山谷溪流。隨處多有金產。故女真稱金源。說者謂以其地有金水流出故名。國朝以愛新為氏。愛新

者。譯言金也。延吉廳區域。正當長白山東。實以金礦為最盛。其類分為二種。一曰線

金。金質藏於地脈之中。如石建坪、二道溝、三道溝。此二道溝、三道溝居延吉之西。瑛春金場亦有二道溝、三道溝之名。

等處。皆線金之出產地也。一曰沙金。金質隨河流而散布。如沙金溝、旺清、黑頂子、綏芬甸子、及瑛春河流域。皆沙金之出產地也。而尤以瑛春河流域為吉林南部著名之金場。蓋瑛春河延長約五六百里。附近其本流支流。如東溝、塔子溝、土門子、柳樹河子、香房子溝、狐狸別等處。皆有金產。其開採之期。約始於同治年間。現時從事金業者。尚近二千人。金質尤稱上品。其餘各處金鑛。或開或否。而金質之潛藏。稱極旺

焉。

附譯錄日人守田利遠土門子金場調查錄

圖們江之支流，琿春河之流域，產金地極多。總括之，可名爲土門子金場。就中產金最著者，爲沙金溝、于溝子、二道溝、三道溝、四道溝、五道溝、六道溝、香房子溝、小六道溝、西北岔溝等處。

沙金溝。在琿春之東。微北。約五里。日本一里約合中國六里餘由西南延長於東北。長六里

餘。幅三町餘。採金者二十餘人。

于溝子。在沙金溝之東。一百五十六町。由西南延長於東北。長四里半。幅三町餘。採金者二十餘人。

二道溝。在于溝子之東。約三十町。長六里半。幅十餘町。由西南延長於東北。採金者十餘人。

三道溝。在二道溝之東。微南。約二里。長十餘里。幅一百六十七町。由西南延長於東北。目下採金者三百餘人。爲各金場中最盛之區。產額亦居第一位。採掘